

Newspaper	Utusan Malaysia
Date	13/1/2011

Kabinet minta masyarakat India pilih wakil selesaikan isu *Interlok*

Berdialog dengan kementerian

Oleh ZULKIFLIJALIL, HASHNAN
ABDULLAH dan NAZMIL NASIRUDDIN
pengarang@utusan.com.my

PUTRAJAYA 12 Jan. - Kabinet hari ini meminta masyarakat India memilih beberapa orang wakil mereka untuk berdialog dengan Kementerian Pelajaran bagi membincangkan kandungan novel *Interlok* yang dikatakan mempunyai elemen rasis seperti didakwa pihak tertentu.

Perdana Menteri, Datuk Seri Najib Tun Razak berkata, setakat ini Kabinet belum membuat sebarang keputusan mengenai kedudukan novel karya Sasterawan Negara, Datuk Abdullah Hussain itu.

"Kita minta supaya pihak kaum India memilih beberapa orang untuk berdialog dengan Kementerian Pelajaran supaya kita dapat menentukan cara mana kita boleh tenang-kan keadaan ini.

"(Setakat ini) belum ada apa-apa keputusan, kita bincang dulu," kata beliau selepas meraikan skuad bola sepak negara yang menjuarai Piala

Kita minta supaya pihak kaum India memilih beberapa orang untuk berdialog dengan Kementerian Pelajaran supaya kita dapat menentukan cara mana kita boleh tenang-kan keadaan ini

- **NAJIB TUN RAZAK**
Perdana Menteri

AFF Suzuki 2010 di Seri Perdana di sini.

Novel *Interlok* terbitan Dewan Bahasa dan Pustaka menjadi kontroversi kerana didakwa mengandungi unsur sensitif yang menyinggung perasaan kaum India pada kandungan muka surat 211 dan 220.

Dalam pada itu ditanya mengenai pengumuman senarai anggota Suruhanjaya Diraja yang ditubuhkan untuk mengkaji peraturan soal siasat yang diguna pakai Suruhanjaya Pencegahan Rasuah Malaysia

(SPRM) semasa proses siasatan ke atas mendiang Teoh Beng Hock, Perdana Menteri berkata:

"Ia masih dalam proses, ada beberapa nama tetapi saya tidak dapat menghadap Yang di-Pertuan Agong (untuk mempersembahkan senarai itu) kerana baginda ketika ini berada di luar negara," kata beliau.

